



UGOVOR

o javnoj nabavci građevinskih radova na distributivnom gasnom sistemu i objektima preduzeća

KJKP "Sarajevogas" d.o.o. Sarajevo, Ul. Trg Fadile Odžaković Žute 4, Sarajevo, BiH,
Koga zastupa: V.D. Direktor Preduzeća Samir Pajević, dipl.ing.maš. (u daljem tekstu: Naručilac),

i

Džekos d.o.o., Ul. Ismeta Alajbegovića Šerbe 16, 71000 Sarajevo, BiH,
Koga zastupa: Direktor Rifat Mahmutović, dipl.ing.grad., (u daljem tekstu: Izvođač),

Član 1.

Na osnovu **Okvirnog Sporazuma zaključenog** po provedenom otvorenom postupku nabavke radova broj TD-05-02/19, ugovorne strane zaključuju **ugovor br. 2 (dva)** o nabavci građevinskih radova na distributivnom gasnom sistemu i objektima preduzeća.

Član 2.

Predmet ovog Ugovora je izvođenje građevinskih radova na distributivnom gasnom sistemu i objektima preduzeća po provedenom otvorenom postupku nabavke broj: TD-05-02/19. Izvođač radova je dostavio ponudu prema Obrascu za cijenu ponude Naručioca broj: SP-OJ04-TD-05-02/19-01, koja je priložena ovom ugovoru i predstavlja njegov sastavni dio.

Član 3.

Ugovorna vrijednost radova iz člana 1. ovog ugovora bez PDV-a iznosi: **766.150,00 KM (slovima: sedamstotinašezdesetšestiljadastotinupedeset KM)**, a jedinične cijene su navedene u Obrascu za cijenu ponude koji je sastavni dio ovog Ugovora, i iste su nepromjenjive za vrijeme trajanja Okvirnog sporazuma.

Član 4.

Izvođač radova će radove iz člana 1. izvršavati kvalitetno, po pravilima građevinsko-tehničke struke, prema propisanim tehničkim uslovima i u dogovorenom roku prema potrebama naručioca, nakon zaključenja ovog ugovora.

Za svaki sat zakašnjenja na poziv naručioca što bi dovelo do kašnjenja na izvršenju radova naručilac će zaračunati penale u iznosu od 1%, s tim da ukupan iznos penala ne može biti veći od 5% ukupne vrijednosti ugovora.

Član 5.

Obaveza izvođača radova je da:

- otpočne sa radovima nakon obostranog potpisivanja Ugovora,
- otpočne sa radovima nakon dobivanja rješenja nadležnog organa za prokop javne površine,
- bude spreman na hitnu intervenciju 24 sata na dan,
- vodi građevinske knjige,
- snosi eventualne troškove sanacije oštećenja tuđih instalacija koje su uctane u situaciji,
- snosi eventualne kazne zbog neblagovremenog saniranja prokopanih javnih površina,
- nadzorno lice izvođača po pitanju mjera sigurnosti saobraćaja kod izvođenja građevinskih radova na gasnim instalacijama posjeduje ovjerenu kopiju uvjerenja o položenom ispitu za vršenje tehničkog pregleda vozila,
- je osiguran polisom osiguranja protiv rizika odgovornosti.



Član 6.

Izvođač radova će obračun izvršenih radova vršiti po jediničnim cijenama iz priloga ovom Ugovoru. Naručilac će plaćanje izvršenih radova izvršiti u roku od **60 dana** po ispostavljanju situacije, odnosno prijemu uredno ispostavljene poreski ispravne fakture na transakcijski račun izvođača naveden na fakturi.

U prilogu fakture neophodno je dostaviti:

- obračun sa količinama i jediničnim cijenama ovjeren od strane nadzornog organa naručioca,

Član 7.

Naručilac i izvođač radova se neće smatrati odgovornima za zakašnjenje u ispunjenju obaveza prema ovom Ugovoru, neposredno ili posredno, ako je zakašnjenje uslijedilo usljed više sile. Pod višom silom podrazumijevaju se slučajevi koji se mogu pojaviti poslije stupanja ugovora na snagu, a koji nisu pod kontrolom ni jedne ugovorene strane, niti se objektivno mogu predvidjeti, a sprječavaju jednu ili obje ugovorene strane u izvršavanju njihovih ugovornih obaveza.

Član 8.

Izvođač radova nije ovlašten da zaključuje podugovore sa drugim licima u cilju realizacije ugovornih obaveza bez predhodnog pismenog odobrenja naručioca.

Član 9.

Za sve izvršene radove Izvođač radova daje garanciju na kvalitet izvršenih radova na period od **2 (dvije) godine**.

Član 10.

Ukoliko naručilac u ugovornom roku iz člana 6. ovog ugovora ne plati cijenu za izvršene radove obavezan je Izvođaču radova isplatiti i zateznu kamatu u skladu sa zakonom i drugim propisima koji uređuju ovaj institut.

Član 11.

Obaveza izvođača je da u roku od **sedam (7) dana** računajući od dana potpisivanja ugovora, dostavi naručiocu bezuslovnu bankarsku garanciju na iznos od 10% vrijednosti ugovora, odnosno u vrijednosti od **76.615,00 KM** za dobro izvršenje posla po ovom ugovoru sa klauzulom plativo na prvi pisani poziv korisnika garancije i bez prava prigovora, sa rokom važnosti garancije: rok izvršenja ugovorenih obaveza + 30 (trideset) dana.

Ukoliko izvođač radova obavi sve ugovorene poslove kvalitetno, u roku i po pravilima struke, naručilac će nakon protoka roka od 30 (trideset) dana izvođaču radova vratiti pomenutu garanciju.

Ukoliko izvođač ne dostavi traženu garanciju u zadanom roku iz stava 1. ovog člana ovaj ugovor će se smatrati apsolutno ništavnim.

Član 12.

Ovaj ugovor se zaključuje na period do ispunjenja njegove svrhe ali ne duže od roka važenja **zaključenog Okvirnog Sporazuma**. U slučaju raskida ugovora, ugovorna strana koja traži raskid ugovora obavezna je da o svojoj namjeri obavijesti drugu ugovornu stranu sa otkaznim rokom od 30 (trideset) dana.

Član 13.

Ugovorne strane su saglasne da izvođač radova neće zapošljavati, odnosno angažovati fizička i pravna lica koja su učestvovala u pripremi tenderske dokumentacije ili bili angažovani kao članovi ili stručna lica u Komisiji za nabavke nadležnoj za dodjelu navedenog ugovora o javnoj nabavci.

Ograničenja u smetnji iz stava 1. ovog člana traju 6 (šest) mjeseci od dana zaključivanja ugovora.



Član 14.

Na sve odnose i institute koji nisu navedeni u ugovoru, a pojave se prilikom realizacije, primjenjivaće se odgovarajuće odredbe Zakona o obligacionim odnosima.

Član 15.


Ovaj Ugovor smatra se zaključenim danom potpisivanja od strane obje ugovorene strane, a stupa na snagu danom dostavljanja bezuslovne bankarske garancije iz člana 11. ovog ugovora.

Ugovor je sačinjen u 4 (četiri) istovjetna primjeraka, od kojih svaka ugovorena strana zadržava po 2 (dva) primjerka.

Član 16.

Sve nesporazume do kojih dođe u realizaciji ovog Ugovora, a koji se ne mogu riješiti u duhu dobrih poslovnih odnosa, rješavaće nadležni sud u Sarajevu.


Za Izvođača:




Direktor, Rifat Mahmutović, dipl.ing.grad.

Broj ugovora, 1/K-1228/20
11-03-2020

Za Naručioća:



V.D. Direktor Preduzeća Samir Pajević, dipl.ing.maš.



Izvršni direktor Mr.Mehmed Mehović, dipl.oec.

Broj ugovora, 56/20
10-03-2020